

Vale Croes ta los un grito !!. CULTURA DI UN PUEBLO TA LOQUE TA ENGRANDECE SU PATRIA..

**** RUDOLFO VA-
LENTINO CROES** genial
comico di mil campaña, e aña
aki a dicidi di dedica su anual
show humoristico como un
**HOMENAJE NA NOS CUL-
TURA, FOLKLORE y COS-
TUMBER.**

DEN AMBIENTE a aserka
nos gran comico Vale Croes,
pa un entrevista caminda e ta

enfoca riba nos **CULTURA,
FOLKLORE y COSTUM-
BER.**

Vale Croes riba escenario ta
los su chistenan pikante, cu
ningun hende no por keda sin
hari. Pero en realidad Vale
Croes ta un ciudadano ehem-
plar, cu ta stima su pais masha
hopi, y den e entrevista aki
por nota su preocupacion, to-

tacion, reconocimiento y re-
spet debido.

Pa yuda esaki nos Gobier-
nonan lo por yuda mas den
nos enseñansa; por ehempel
na schoolnan, mester duna un
empuhe na e maestronan pa

nan duna lezing na e mucha-
nan pa asina nan por com-
pronde kiko ta nan
derechonan y nan principio
pa cual nan como bon ciu-
dadano me-ter sa, pa nan
biba y muri pe. Siña conoce
bo pais.

Tambe ta di mayor impor-
tancia pa siña e muchanan e
Envangelio di Jesu Cristo pa
asina nan por sa kiko ta nan
cultivo spiritual, aki ta na su
luga pa mustranan e diez
mandamentonan.

Mester siña e muchanan
stima nan mes y respeta nan
mes, pa asina nan wordo re-
speta y acepta den comuni-
dad. Ehempel di mayorman ta
importante. Tata ta cabes di
cas y mester guia e famia den
bon direccion. Mama su tra-
bao ta duna e tata tur sosten
posibel pa hunto nan logra e
difícil tarea aki.

FOLKLORE.

Folklore ta otro regla masha
importante den bida di cada
ser humano. Tambe ta deber
di cada ciudadano, cu sa nos
folklore, pa e como bon ciu-
dadano, siña nos jovenan,
esey cu e sa. Di e forma nos
jiunan lo por lanta manera nos
ta desea.

Un pueblo mester siña biba
cu lo material y cu lo spiri-
tual. Material ta tur loke nos
por haya aki ariba nos terra, y
nos mester siña biba cu loke
tin of loke nos por haya.

Spiritual, ta tur loke nos me-
ster sa, con pa sirbi nos Dios,
cu fe, caridad, humildad, re-
spet, pasenshi y hopi amor.
Nos mester stima Dios
manera e a bisa nos y no
manera nos kier. Siña hasi
oracion correctamente.

Porhempel: adorado tata ce-
lestial mi ta dunabo danki
pa..... mi ta pidibo.... tur e
cosnan aki y gradici bo den
number di bo jiu Jesu Cristo
Amen.



cante nos Cultura, Folklore y
Costumbernan, cu hamas me-
ster bay perdi.

CULTURA;

Vale su opinion tocante de-
saroyo intelectual o artistico.
Segun Vale cu un hende cu ta
considera su mes un ciu-
dadano mester ta; educa, hu-
milde, culto, gentil, amable,
cortez, honesto y tolerante,
pero esey si, tolerante te na
cierto punto. Tur esaki ta en-
sera den e desaroyo di un per-
sona, cu ta desea fuertemente,
di ta un bon ciudadano. Cul-
tura di un pueblo ta loque ta
engrandece su patria, esaki ta
yude duna su pais un identi-
dad rond mundo, cu tur honra
y dignidad, pa e haya e acep-

COSTUMBER.

Costumbres, e palabra ta
papia pa su mes, hasi loke bo
a siña di nos grandinan y
mantene bibo, pa asina bo por
tin identidad. Ta un berdadero
lastima loke awor aki ta
pasando cu nos grandinan. Ta
for di nan nos mester siña,
pero si nos mes ta isolanan, ta
con nos lo hasi! Esaki ta un
otro bon tema pa despues.

Antes Vale ta corda con e
mucha hombernan tabata tin
mas calor y armonia, mas fi-
delidad den nan forma di
corteha y enamora un
señorita. Nan tabata usa
cualquier poesia of un cantica
bunita pa nan expresa nan
proposito pa cu e mucha
muher, semper y ora esaki
tabata cu bon intencion.

Segun Vale cu nos Gobierno
mester decreta un dia den tur
siman y yame; **DIA DI CUL-
TURA ARUBANO.** Esaki lo
mester sigui henter dia, di
6'or di mainta te 12'or di ano-
chi. Di e forma aki nos com-
positornan por animannan
mes y hasi uso di e oportuni-
dad aki pa desahoga nan sin-
timentonan paisano den
forma di un grito of un cantica
o un melodía bunita. Asina
por papia di traha un pais.

Nos juventud ta haya falta di
tur cos malo cu pasa, pero ta
nos mes como hende grandi
mester duna ehempel. Anima
bo jiu pa e practica un de-
porte, esaki ta sirbi pa man-

tene ocupa cu algo sano y kita
su mente for di maldad. Nos
tur lo tin deseo di mira nos
juinan crese den un bon direc-
cion, bira algo cu ta vale la
pena den bida !!

Un costumber cu nos tabata
tin ta, cu ora tin un ocasion
especial pa celebra manera
porehempel casamento,
Pasco di nacemento y aña
nobo, ta cu nos bebida na-
cional nos tabata brinda, esta
coecoei. Kelkinan special y
bunita pa e tipo di ocasionan
aki ta wordo saca for di den
cashi, y ta yene te mande abao
den un solo slok.

Esey si un bitter so no pa
yena boyo, traha cu mainshi
rabo, esaki ta cultura of pa
yame mas bunita ainda, nos
ritual. Pero awe desgraciada-
mente nos hendenan kier
imita culturanan ayeno, esaki
segun Vale ta fatal.

Laga bo costumber cai, pa un
otro, ta un crimen mucho mas
grandi cu cualquier crimen di e
peor calaña, esey ta yama
TRACION. Arubiano,
"champagne no ta di nos".

Awe cu hopi dolor na Vale
su curason e tin cu bisa cu tur
cos a worde comercialisa.
Arubianonan laga nos tur
hunto trata na haya un solu-
cion pa e asunto aki. Vale ta
spera cu a base di e **GRITO**
aki, lo bin algun programa
educativo den direccion di
cultura, folklor y costumber...